

ქალაქ თბილისის მუნიციპალიტეტის საკრებულოს

სახელდებისა და სიმბოლიკის კომისიის სხდომის

ოქმი N 41

20 თებერვალი 2025 წელი

ქ. თბილისი, თავისუფლების მოედანი N 2

13:00 სთ

კომისიის სხდომას უძღვებოდა სახელდებისა და სიმბოლიკის კომისიის თავმჯდომარე ლევან აბაშიძე. სხდომას ესწრებოდნენ სახელდებისა და სიმბოლიკის კომისიის წევრები:

თინათინ ნიბლოშვილი

მარიამ ზაქარიაშვილი

თამარ ჩახვაშვილი

კომისიის თავმჯდომარემ კენჭი უყარა დღის წესრიგით წარმოდგენილ საკითხებს:

დღის წესრიგი

1. ქალაქ თბილისში, მთაწმინდის რაიონში, გიორგი ქუჩიშვილის ქუჩის შესახვევისთვის რეჟისორის თემურ ჩხეიძის ქუჩის სახელის მინიჭების შესახებ
2. ქალაქ თბილისში, მთაწმინდის რაიონში, ტაბახმელას მიმდებარე ტერიტორიაზე მდებარე უსახელო ქუჩისთვის და მასთან არსებული შესახვევისთვის საქართველოს სახალხო არტისტის, მოცეკვავის ომარ მხეიძის სახელის მინიჭების შესახებ.
3. ქალაქ თბილისში, მთაწმინდის რაიონში, ოქროყანაში, ციურიხის I შესახვევისთვის საზოგადო მოღვაწეების ივანე და ნინო პოლტორაცკების სახელის მინიჭების შესახებ;
4. ქალაქ თბილისში, საბურთალოს რაიონში, სიმონ ჩიქოვანის ქუჩასთან არსებული უსახელო სკვერისთვის მედიცინის მეცნიერებათა დოქტორის, პროფესორ ეგნატე ფიფიას სახელის მინიჭების შესახებ;
5. ქალაქ თბილისში, ისნის რაიონში, ჯუმბერ ლეჟავას ქუჩის მონაკვეთისთვის და ჯუმბერ ლეჟავას I შესახვევისთვის ბიძინა ჩოლოყაშვილის ქუჩის სახელის მინიჭების შესახებ;
6. ქალაქ თბილისში, მთაწმინდის რაიონში, პოლიკარპე კაკაბაძის ქუჩასთან მდებარე უსახელო სკვერისთვის მომღერლის თამაზ სეფერთელაძის სახელის მინიჭების შესახებ;
7. ქალაქ თბილისში, მთაწმინდის რაიონში, სოლომონ ზალდასტანიშვილის შესახვევისთვის და გასასვლელისთვის მომღერლის თამაზ სეფერთელაძის ქუჩის სახელის მინიჭების შესახებ ქ. თბილისის მუნიციპალიტეტის საკრებულოს 2024 წლის 12 ივლისის #393 განკარგულების ბათილად ცნობის შესახებ
8. ქალაქ თბილისში, ისნის რაიონში, ნავთლუდის I დასახლების VII ქუჩისთვის ისტორიკოსის გიორგი ბოჭორიძის სახელის მინიჭების შესახებ;
9. ქალაქ თბილისში, ისნის რაიონში, დოლაბაურის II ხევისთვის და დოლაბაურის III ხევისთვის მომღერლის ვანო მჭედლიშვილის სახელის მინიჭების შესახებ;
10. ქალაქ თბილისში, გლდანის რაიონში, იოსებ ნონეშვილის ქუჩასთან მდებარე უსახელო ქუჩისთვის აფხაზეთის ომში დაღუპული მებრძოლის გიორგი წულაიას სახელის მინიჭების შესახებ;
11. ქალაქ თბილისში, გლდანის რაიონში, ე.წ. თბილისის სატრანზიტო გზის უსახელო მონაკვეთისთვის, დიდგორის ქუჩისთვის და ხიდის ქუჩისთვის თბილისის შემოსავლელი გზატკეცილის სახელის მინიჭების შესახებ;

12. ქალაქ თბილისში, ნაძალადევის რაიონში, შალვა ცინცაძის II შესახვევისთვის და შალვა ცინცაძის I შესახვევის მონაკვეთისთვის აფხაზეთის ომში დაღუპული მებრძოლის ზაკურ ბექაურის ქუჩის სახელის მინიჭების შესახებ;
13. ქალაქ თბილისში, ნაძალადევის რაიონში, გეგუთის ქუჩის მონაკვეთისთვის და მასთან მდებარე უსახელო გეოგრაფიული ობიექტისთვის გეგუთის I ჩიხის სახელის მინიჭების შესახებ;
14. „ქალაქ თბილისში, საბურთალოს რაიონში, ქოშიგორაზე, ნიკო ჭავჭავაძის ქუჩასთან მდებარე უსახელო ქუჩისთვის და მასთან არსებული ერთი შესახვევისთვის საქართველოს ეროვნული გმირის დიმიტრი ჩრდილელის სახელის მინიჭების შესახებ“ ქალაქ თბილისის მუნიციპალიტეტის საკრებულოს 2023 წლის 21 ნოემბრის #580 განკარგულებაში ტექნიკური შეცდომის გასწორების შესახებ;
15. „ქალაქ თბილისში, სამგორის რაიონში, წნორისწყლის და „დ“ ქუჩებისთვის რეჟისორისა და მსახიობის აკაკი ვასაძის სახელის მინიჭების შესახებ“ ქალაქ თბილისის მუნიციპალიტეტის საკრებულოს 2024 წლის 12 ივლისის #370 განკარგულებაში ცვლილებების შეტანის შესახებ;
16. ქალაქ თბილისში, სამგორის რაიონში, ნასაგურში, იოსებ ასლანიშვილის ქუჩასთან არსებული უსახელო ჩიხისთვის იოსებ ასლანიშვილის I ჩიხის სახელის მინიჭების შესახებ;
17. ქალაქ თბილისში, სამგორის რაიონში, ჯემალ გოგიტიძის ქუჩის გაგრძელების შესახებ;
18. ქალაქ თბილისში, ვაკის რაიონში, სოფელ დიდებას მიმდებარე ტერიტორიაზე, სულხან-საბა ორბელიანის I ჩიხის მონაკვეთისთვის და მასთან მდებარე უსახელო ქუჩისთვის სულხან-საბა ორბელიანის სახელის მინიჭების შესახებ;
19. ქალაქ თბილისში, ისნის რაიონში, ვასილ კოპცოვის ქუჩის მონაკვეთისთვის და ნავთლუღის VI შესახვევის მონაკვეთისთვის ვასილ კოპცოვის I და II ჩიხების სახელების მინიჭების შესახებ;
20. ქალაქ თბილისში, ისნის რაიონში, ტბელ აბუსერიძის ქუჩასთან მდებარე უსახელო შესახვევისთვის ტბელ აბუსერიძის I შესახვევის სახელის მინიჭების შესახებ.

სხდომის თავმჯდომარემ კომისიის წევრებთან ერთად დღის წესრიგით წარმოდგენილი თითოეული საკითხი განიხილა.

ლევან აბაშიძემ კომისიის წევრებს გააცნო პირველი საკითხი, რომელიც შეეხება მთაწმინდის რაიონში, გიორგი ქუჩიშვილის ქუჩის შესახვევისთვის რეჟისორის თემურ ჩხეიძის ქუჩის სახელის მინიჭებას. თემურ ჩხეიძე იყო რეჟისორი, საქართველოს სახალხო არტისტი. მან დიდი წვლილი შეიტანა ქართული თეატრის განვითარებაში. 1970-1980

წლებში თემურ ჩხეიძე იყო რუსთაველის თეატრის რეჟისორი, ხოლო 1980-1990 წლებში კოტე მარჯანიშვილის სახელობის თეატრის სამხატვრო ხელმძღვანელი. კომისიამ შეისწავლა მთაწმინდის რაიონში, ე.წ. ფიქრის გორის ტერიტორიაზე არსებული ქუჩათა ქსელი, სადაც სახელდებულია გიორგი ქუჩიშვილის ქუჩა და შესახვევი. გიორგი ქუჩიშვილი იყო თემურ ჩხეიძის ბაბუა. შესახვევი გიორგი ქუჩიშვილის ქუჩას აკავშირებს პეტრე მელიქიშვილის გამზირთან. აღნიშნული გეოგრაფიული ობიექტის პარამეტრები ემთხვევა მის პარალელურად არსებულ როდენის ქუჩას. ამდენად კომისია შესაძლებლად მიიჩნევს გიორგი ქუჩიშვილის შესახვევის დამოუკიდებელ ქუჩად ჩამოყალიბებას.

კომისიის წევრებმა საკითხს დადებითი რეკომენდაცია მისცეს.

მეორე საკითხი შეეხება მთაწმინდის რაიონში, ტაბახმელას მიმდებარე ტერიტორიაზე არსებული უსახელო ქუჩისთვის და მასთან მდებარე შესახვევისთვის საქართველოს სახალხო არტისტის, მოცეკვავის ომარ მხეიძის სახელის მინიჭებას. იგი იყო თბილისის საპატიო მოქალაქე, სამი ათეული წელი საქართველოს ხალხური ცეკვის სახელმწიფო ანსამბლ „სუხიშვილების“ წამყვანი სოლისტი. არაერთი ჯილდოს მფლობელ მოცეკვავეს 2016 წლის 8 ივნისს ქართული ხალხური ცეკვის პოპულარიზაციაში შეტანილი განსაკუთრებული წვლილისთვის ფონდმა „ქართული გალობა“ მიანიჭა „ღვაწლმოსილი მოცეკვავის“ წოდება. გეოგრაფიული ობიექტის შერჩევის პროცესში კონსულტაციები გაიმართა ქორეოგრაფის ოჯახის წევრებთან. სახელდებისთვის შერჩეულ იქნა ახლადწარმოქმნილი ქუჩა მთაწმინდის რაიონში, პარკისა და ფრიდონ ხალვაშის ქუჩების მიმდებარედ.

მესამე საკითხის განხილვისას ლევან აბაშიძემ ისაუბრა მთაწმინდის რაიონში, ოქროყანაში, ციურიხის I შესახვევისთვის საზოგადო მოღვაწეების ივანე და ნინო პოლტორაცკების სახელის მინიჭების შესახებ. კომისიამ შეისწავლა ივანე და ნინო პოლტორაცკების ბიოგრაფია. როგორც საქმისწარმოების პროცესში დადგინდა, ექვთიმე თაყაიშვილისა და პოლტორაცკების მოღვაწეობა არსებითადაა დაკავშირებული ოქროყანასთან.

პოლონური წარმოშობის ქართველმა საზოგადო მოღვაწემ ივანე პოლტორაცკიმ მიიღო ქართული განათლება, დაამთავრა თბილისის სათავადაზნაურო გიმნაზია. მსახურობდა თბილისში მომრიგებელ მოსამართლედ. ახლოს იყო ილია ჭავჭავაძესთან, მონაწილეობდა ქართველთა შორის წერა-კითხვის გამავრცელებელი საზოგადოებისა და გაზეთ „საქართველოს მოამბის“ დაარსებაში. ილიამ მას მიუძღვნა პოემა „აჩრდილი“.

ივანე პოლტორაცკის მეუღლემ, ნადეჟდა გაბაშვილმა ოქროყანის მიწები მზითევის სახით მიიღო. ოქროყანის ტერიტორიაზე დღემდეა შემორჩენილი ივანე პოლტორაცკის მოღვაწეობის კვალი. ივანე პოლტორაცკის უფროსი ქალიშვილი - ნინო იყო ექვთიმე თაყაიშვილის მეუღლე. მან მუსიკალური განათლება პარიზში მიიღო. განუზომელია

ნინო პოლტორაცკის დედაწლი ექვთიმეს მხარდაჭერაში, ეროვნული განძის მოძიების საქმეში. ციურიხის ქუჩის შესახვევი უშუალოდ ესაზღვრება ექვთიმე თაყაიშვილის ქუჩას, შესახვევთანაა ოქროყანის ძველი სასაფლაოს ტერიტორია, სადაც დღემდეა შემორჩენილი პოლტორაცკების პერიოდის ეკლესია. შესახვევის პარამეტრები იძლევა მისი ქუჩად ჩამოყალიბების შესაძლებლობას.

კომისიის წევრებმა მხარი დაუჭირეს მხარი აღნიშნულ საკითხს.

ლევან აბაშიძის ინფორმაციით მეოთხე საკითხი შეეხება საბურთალოს რაიონში, სიმონ ჩიქოვანის ქუჩასთან არსებული უსახელო სკვერისთვის მედიცინის მეცნიერებათა დოქტორის, პროფესორ ეგნატე ფიფიას სახელის მინიჭებას. იგი იყო ქირურგი, მედიცინის მეცნიერებათა დოქტორი, პროფესორი, საქართველოს მეცნიერებათა აკადემიის ნამდვილი წევრი. მეცნიერების დამსახურებულ მოღვაწეს მოიხსენიებდნენ „ქართული ქირურგიის მეფედ“. კომისიამ დადებითი რეკომენდაცია მისცა საკითხს.

ლევან აბაშიძემ კომისიის წევრებს გააცნო დღის წესრიგით წარმოდგენილი მეხუთე საკითხი, რომელიც შეეხება ისნის რაიონში, ჯუმბერ ლეჟავას ქუჩის მონაკვეთისთვის და ჯუმბერ ლეჟავას I შესახვევისთვის ბიძინა ჩოლოყაშვილის ქუჩის სახელის მინიჭებას. ბიძინა ჩოლოყაშვილი კახეთის სახალხო აჯანყების ერთ-ერთი მეთაური იყო. იგი საქართველოს მართლმადიდებელი სამოციქულო ეკლესიის მიერ წმინდანადაა შერაცხული. დაკრძალულია იკორთის ტაძარში. სახელდებისთვის კომისიამ შეარჩია ჯუმბერ ლეჟავას ქუჩის მონაკვეთი და ჯუმბერ ლეჟავას I შესახვევი. ხსენებული ტერიტორიის რეაბილიტაცია გასულ წელს განხორციელდა. რეაბილიტაციის შემდგომ დადგინდა, რომ გზათა ქსელმა განიცადა გარკვეული ცვლილებები, ჯუმბერ ლეჟავას I შესახვევი ჩამოყალიბდა ერთ-ერთ ძირითად სატრანსპორტო კვანძად. აღნიშნული ტერიტორიის ხელახალი სახელდების თხოვნით კომისიას ზეპირსიტყვიერად მიმართა საკრებულოს ისნის რაიონის მაჟორიტარმა წევრმა კახაბერ ლაბუჩიძემ. კომისიამ დადებითად შეაფასა საკითხი.

მეექვსე და მეშვიდე საკითხები შეეხება მთაწმინდის რაიონში, პოლიკარპე კაკაბაძის ქუჩასთან მდებარე უსახელო სკვერისთვის მომღერლის თამაზ სეფერთელაძის სახელის მინიჭებას და ასევე მთაწმინდის რაიონში, სოლომონ ზალდასტანიშვილის შესახვევისთვის და გასასვლელისთვის მომღერლის თამაზ სეფერთელაძის ქუჩის სახელის მინიჭების შესახებ ქ. თბილისის მუნიციპალიტეტის საკრებულოს 2024 წლის 12 ივლისის #393 განკარგულების ბათილად ცნობას. ლევან აბაშიძის განცხადებით, ხსენებული საკითხები ინიცირებულია თამაზ სეფერთელაძის ქუჩაზე მაცხოვრებელი მოქალაქეების მომართვის საფუძველზე, ვინაიდან არ ქონდათ ინფორმაცია ცვლილებების შესახებ, მიზანშეწონილია მათი მოსაზრებების გათვალისწინება.

კომისიის წევრებმა მეექვსე და მეშვიდე საკითხებს დადებითი რეკომენდაცია მისცეს.

დღის წესრიგით წარმოდგენილი მერვე საკითხი შეეხება ისნის რაიონში, ნავთლუდის I დასახლების VII ქუჩისთვის ისტორიკოსის გიორგი ბოჭორიძის სახელის მინიჭებას. კომისიაში შემოსულია საქართველოს მეცნიერებათა ეროვნული აკადემიის აკადემიკოსის ლიანა მელიქიშვილის განცხადება, რომლის ხელმძღვრე საქართველოს მეცნიერებათა ეროვნული აკადემიის აკადემიკოსები ითხოვენ თბილისის ერთ-ერთ ქუჩას მიენიჭოს მეცნიერის გიორგი ბოჭორიძის სახელი. გიორგი ბოჭორიძემ მთელი საქართველოდან ისტორიული ნივთებისა და საარქივო მასალის მდიდარ კოლექციას მოუყარა თავი. მან თბილისის და ქუთაისის საცავებს გადასცა მრავალი ხელნაწერი. გიორგი ბოჭორიძის მიერ აღწერილია 900-მდე ისტორიული ძეგლი, მოგროვილია 200-ზე მეტი ისტორიული ნივთი, 540 ხელნაწერი და 200-ზე მეტი დასტამბული წიგნი, 28 წარწერიან-ქანდაკებიანი ქვის სტელები, 3550 სიგელ-გუჯარი და სხვა საბუთი. მას გამოქვეყნებული აქვს მრავალი ნაშრომი. გიორგი ბოჭორიძე იყო საბჭოთა რეპრესიების მსხვერპლი. 1937 წელს საბჭოთა ხელისუფლებამ დააპატიმრა და 1939 წელს გადაასახლა, მაგრამ გადასახლების ადგილამდე ვერ მიაღწია, მატარებელში სიცოცხლეს გამოასალმეს. ისნის რაიონში, ხსენებულ დასახლებას არავითარი კავშირი არ აქვს ნავთლუდის ისტორიულ ტერიტორიასთან, დასახლების ქუჩები ატარებდა რომაულ ციფრებს, რომელთა ცვლილებაც განხორციელდა ეტაპობრივად. კომისიამ აღნიშნულ საკითხს დადებითი რეკომენდაცია მისცა.

ლევან აბაშიძემ კომისიის წევრებს გააცნო დღის წესრიგით წარმოდგენილი მეცხრე საკითხი, რომელიც შეეხება ისნის რაიონში, დოლაბაურის II ხევისთვის და დოლაბაურის III ხევისთვის მომღერლის ვანო მჭედლიშვილის სახელის მინიჭებას. ლოტბარმა და მომღერალმა ვანო მჭედლიშვილმა უდიდესი ამაგი დასდო ქართლ-კახური სიმღერების მოძიებას, შეკრებას, აღდგენასა და გაცოცხლებას. მის მიერ დამუშავებულ ვარიანტებს დღემდე ასრულებს საქართველოს სიმღერისა და ცეკვის სახელმწიფო ანსამბლი „ერისიონი“, რომლის სოლისტიც და ლოტბარიც გარკვეულ წლებში თავად იყო. მან მომღერალთა თაობები აღზარდა. მის ნამოწაფართა შორის არიან ცნობილი მომღერლები შალვა კოვზირიძე, ავთანდილ სარაჯიშვილი და გენიალური ჰამლეტ გონაშვილი. კომისიას მიზანშეწონილად მიაჩნია აღნიშნული სახელდება.

ლევან აბაშიძის ინფორმაციით გლდანის რაიონში, იოსებ ნონეშვილის ქუჩასთან მდებარე უსახელო ქუჩას მიენიჭება აფხაზეთის ომში დაღუპული მეზრძოლის გიორგი წულაიას სახელი. ვეტერანების საქმეთა სახელმწიფო სამსახურში დაცული ინფორმაციის თანახმად, გიორგი წულაია, ეროვნული გვარდიის მე-4 სპეც დანიშნულების შემადგენლობიდან მონაწილეობდა საქართველოს ტერიტორიული მთლიანობის, თავისუფლებისა და დამოუკიდებლობისთვის საბრძოლო მოქმედებებში და 1992 წლის 5 ოქტომბერს, ერთ-ერთი საბრძოლო დავალების შესრულებისას დაიკარგა უგზო-უკვლოდ, რის საფუძველზეც შემდგომში გამოცხადდა საომარ მოქმედებებში დაღუპულად. სამშობლოს წინაშე განსაკუთრებული დამსახურებისთვის, თავდადებისა და თავგანწირვისთვის, სიკვდილის შემდეგ გიორგი წულაია დაჯილდოვდა ვახტანგ

გორგასლის I ხარისხის ორდენით. კომისიამ ერთხმად დაუჭირა მხარი აღნიშნულ სახელდებას.

დღის წესრიგით წარმოდგენილი მეთერთმეტე საკითხი შეეხება გლდანის რაიონში, ე.წ. თბილისის სატრანზიტო გზის უსახელო მონაკვეთისთვის, დიდგორის ქუჩისა და ხიდის ქუჩისთვის თბილისის შემოსავლელი გზატკეცილის სახელის მინიჭებას. საკითხის შესწავლისას აღმოჩნდა, რომ გზატკეცილის გარკვეულ მონაკვეთებს სხვადასხვა პერიოდში მინიჭებული აქვს დიდგორის და ხიდის ქუჩის სახელები. ვინაიდან ობიექტი წარმოადგენს საერთაშორისო გზის ერთ განუყოფელ მონაკვეთს, კომისიას მიზანშეწონილად არ მიაჩნია მისი დანაწევრებული სახელდება. ამდენად სახელდებას ქუჩებს უნდა შეეცვალოს სახელი და ერთიან გზატკეცილს ეწოდოს თბილისის შემოსავლელი გზატკეცილის სახელი.

მეთორმეტე საკითხი შეეხება ნაძალადევის რაიონში, შალვა ცინცაძის II შესახვევისთვის და შალვა ცინცაძის I შესახვევის მონაკვეთისთვის აფხაზეთის ომში დაღუპული მეზრდოლის ბაკურ ბექაურის ქუჩის სახელის მინიჭებას. იგი იყო ვახტანგ გორგასლის I ხარისხის ორდენის კავალერი. სამშობლოს წინაშე ბაკურ ბექაურის დამსახურების გათვალისწინებით, ვეტერანთა საქმეთა სახელმწიფო სამსახური მხარს უჭერს თბილისში არსებული რომელიმე ქუჩისთვის მისი სახელის მინიჭებას. კომისიამ კენჭი უყარა აღნიშნულ საკითხს და მისცა დადებითი რეკომენდაცია.

დღის წესრიგით წარმოდგენილი მეცამეტე საკითხით ნაძალადევის რაიონში, გეგუთის ქუჩის მონაკვეთს და მასთან მდებარე უსახელო გეოგრაფიულ ობიექტს მიენიჭება გეგუთის I ჩიხის სახელი.

ლევან აბაშიძემ კომისიის წევრებს გააცნო მეთოთხმეტე და მეთხუთმეტე საკითხები. მეთოთხმეტე საკითხი შეეხება 2023 წლის 21 ნოემბრის #580 განკარგულებაში ტექნიკური შეცდომის გასწორებას. კერძოდ, განკარგულებაში უნდა შეიცვალოს დანართი-რუკა. მეთხუთმეტე საკითხით შედის ცვლილება 2024 წლის 12 ივლისის #370 განკარგულებაში. კომისიის გადაწყვეტილებით, ცვლილებები შედის ქალაქ თბილისში, სამგორის რაიონში, წნორისწყლის და „დ“ ქუჩებისთვის რეჟისორისა და მსახიობის აკაკი ვასაძის სახელის მინიჭების შესახებ“ ქალაქ თბილისის მუნიციპალიტეტის საკრებულოს 2024 წლის 12 ივლისის #370 განკარგულებაში-განკარგულების სათაური ჩამოყალიბდება შემდეგი რედაქციით: „ქალაქ თბილისში, სამგორის რაიონში, წნორისწყლის ქუჩისთვის რეჟისორისა და მსახიობის აკაკი ვასაძის სახელის მინიჭების შესახებ“ და განკარგულების პირველი პუნქტით დამტკიცებული დანართი (რუკა) ჩამოყალიბდეს თანდართული სახით, ხოლო განკარგულების მე-2 პუნქტი გამოცხადდეს ძალადაკარგულად.

მეთექვსმეტე საკითხის თანახმად სამგორის რაიონში, ნასაგურში, იოსებ ასლანიშვილის ქუჩასთან არსებული უსახელო ჩიხს იოსებ ასლანიშვილის I ჩიხის სახელი მიენიჭება.

ასევე სამგორის რაიონში გაგრძელდება ჯემალ გოგიტიძის ქუჩა.

- მეთვრამეტე საკითხით ვაკის რაიონში, სოფელ დიდებას ტერიტორიაზე, სულხან-საბა ორბელიანის I ჩიხის მონაკვეთს და მასთან მდებარე უსახელო ქუჩას მიენიჭება სულხან-საბა ორბელიანის სახელი.

მეცხრამეტე და მეოცე საკითხები შეეხება დამისამართებას ისნის რაიონში. კერძოდ, ვასილ კოპცოვის ქუჩის მონაკვეთს და ნავთლუღის VI შესახვევის მონაკვეთს მიენიჭება ვასილ კოპცოვის I და II ჩიხების სახელი. ვასილ კოპცოვის ქუჩასთან ფაქტობრივად არსებული ჩიხს, რომელიც არ წარმოადგენს ძირითადი ქუჩის გეგმარებით გაგრძელებას მინიჭებული აქვს ვასილ კოპცოვის ქუჩის სახელი და ქალაქგეგმარებითი თვალსაზრისით მიზანშეწონილია მისი ჩიხად ჩამოყალიბება. ქუჩის მიმდებარედ ასევე არსებობს ფაქტობრივი ჩიხი, რომელსაც მინიჭებული აქვს ნავთლუღის VI შესახვევის სახელი, აღნიშნული შესახვევიც უნდა იყოს ვასილ კოპცოვის ჩიხი.

ასევე ისნის რაიონში, ტბელ აბუსერიძის ქუჩასთან მდებარე უსახელო შესახვევს ტბელ აბუსერიძის I შესახვევის სახელი მიენიჭება.

ლევან აბაშიძის განცხადებით, წარმოდგენილი საკითხები მოქმედი კანონმდებლობის შესაბამისად ინიციატივებად დარეგისტრირდება საკრებულოს წინაშე, რეგისტრაციიდან არაუადრეს 20 დღისა გაიმართება საჯარო განხილვა და ამის შემდგომ მოხდება საკრებულოს სხდომაზე გატანა.

სხდომის თავმჯდომარემ სხდომა დახურულად გამოაცხადა.

სახელდებისა და სიმბოლოების

კომისიის თავმჯდომარე

ლევან აბაშიძე

